

Impurtonts fatgs economics

Objekttyp: **Group**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **24 (1950)**

PDF erstellt am: **16.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Impurtonts fatgs economics

Diember Svizzers e Svizzeras vivan dell'idea, che l'aula congiuntura economica de suenter l'uiara existi aunc adina e mondi vinavon per nossa tiara; industrias e fatschentas seigien occupadas cumpletamein, principalmeyn pigl exteriur, e ch'il risguard digl origin della rauba de stiziuin gioghi negina rolla. Ins survesa, a raschun d'in tal giudicar della situaziun, ina partida fatgs.

La congiuntura aulta veva in dubel origin: Suenter la fin dell'uiara fuva la Svizzera, grazia a siu apparat de producziun nundevastau e per motivs de ses luvriers en forza e vitalitad, ina dellas paucas tiaras, che savevan gidar a cuvierer igl immens basegns de rauba egl exteriur. Uss ei denton l'industria dellas tiaras devastadas entras l'uiara puspei serevegnida, e nies commerci entscheiva a sentir las multifaras difficultads digl export, caschunas: u entras munglaments de devisas, u per protecziun dell'atgna producziun de lezzas tiaras. Quei vala principalmeyn per raubas de consum, sco textilias, filaturas e products pils basegns de mintgadi. Per quella midada, pertenenent il provediment digl agen pievel, dat ei duas principalas raschuns: il grond basegns de prender suenter quei che ha muncau grondamein entras las raziuns d'uiara, ei el decuors dils davos onns vegnius cuvretgs; la consummaziun extraordinaria ei tschessada. L'otra raschun ei il renovau import de raubas ord igl exteriur, e cheutras la concorrenza ualti viva de noss'atgna producziun.

Ponderein nus quels dus moviments, sch'encurschein nus clar e bein, che la congiuntura aulta va da rendiu e che l'entschatta della fin ei gia veseivla e palpabla. Perquei ha ei num midar mentalitad e seregurdar con impurtont igl ei de mantener intactas nossas forzas de producziun dell'industria, dil commerci e dell'agricultura, prendend risguard sin quels a caschun d'em-pustaziuns e cumpras, e cheutras gidar e promover ton sco pusseivel l'occupaziun de nossas atgnas forzas de lavur. Tgi che vul pia gidar en quella direcziun e cheutras realisar sia solidaritad enviers ses conburgheis, quel risguarda a caschun de sias cumpras il BALLESTER, l'enzenna legala d'origin svizzer, la quala garantescha, ch'il product enzinnaus cun quella, ei veramein de derivonza svizzera.

Undrar la rauba svizzera — vul dir scatschar la crisa! Il survetsch de pressa:

Enzenna d'origin svizzer.